



Inatsisartuni ilaasortaq Steen Lynge
Atassut

Nuummi inisseeqqittarfik pillugu § 37 naapertorlugu apeqquut 217-imut akissut

Brevdato: 23-08-2016
Sags nr.2016 - 12669
Dok. nr. 12666366

Asasara Steen Lynge,

Nuummi inisseeqqittarfik pillugu apeqqutinut nassiussannut qujanaq. Apeqqutitit matuma kinguliani issuarneqarput, akissutinnik malitseqartinneqarlutik.

Postboks 909
3900 Nuuk
Tlf.: (+299) 34 50 00
Fax: (+299) 32 52 86
E-mail: isan@nanoq.gl
www.naalakkersuisut.gl

Aallarniutigalugu erseqqissaatigissavara, attartortut akiligassaminnut kinguaattoortarnerannut peqquataasartut assigiinngitsuummata. Attartortut ilaat akiliisinnaassuseqarneq ajorput, taamaattumillu naggataagut attartorunnaarsinneqartarlutik. Attartortut allat akiliisinnaassuseqartarput – tassalu aningaasat pigisarpaat, kisiannili akiliinissamut kajumisuseq amigaatigisarlugu. Taamatut immikkooruteqarnerat erseqqissarneqartariaqarpoq, inisseeqqittarfimmi siunertaasoq kommunit oqquisitsisarfiinut, qaqugukkut angerlarsimaffeqaangitsut oqquisitsisarfinnik atuisinnaaneranut piumasaqaatinik aalajangersaaffiisunut naleqqiulluni allaannerummat.

1) Suut siunertarineqarpat Namminersorlutik Oqartussanit pigineqartoq Nuummi inissarsititseqqittarfiup atorneranut?

Akissut:

Inisseeqqittarfik pingaartumik attartortunut, attartukkaminin anisinneqartunut inisseeqqiffittut atorneqarpoq. Tassalu inisseeqqittarfik tassaavoq, attartortut attartukkaminni sumiginnaanerup kingunerisaanik unnuinissamut periarfissatut neqeroorutigineqartartoq.

2) Inissarsititseqqittarfik kimit imaluunniit oqartussaqaarfimmit sorlermit aqunneqarpa?

Akissut:

Inisseeqqittarfiup pilersinneqarnerani ingerlanneqarneranik tigusinissaq A/S Inissiaatileqatigiiffik INI tiguserusussimangilaq. Nuummi inisseeqqittarfiup ingerlanneqarnissaa pillugu Kommuneqarfik Sermersooq / Iserit A/S isumaqatigiissuteqarfigineqarpoq.

3) Inissarsititseqqittarfik pisortat iniutaanniit anisitaasimasunit atorneqartarnerata saniatigut siunertanut allanut atorneqarnissaanut Naalakkersuisut pilersaaruteqarpat?

Akissut:

Kommuneqarfik Sermersooq inisseeqqittarfimmik aqutsinermik ingerlatsiinnarusunnersoq imaluunniit isumaqatigiissut taamaatikkusunneraa pillugu

Namminersorlutik Oqartussanit maannarpiaq oqaloqatigineqarpoq. Tamatuma kingorna atuinnaarsissaa Namminersorlutik Oqartussanit naliliiffigeqqinneqarsinnaavoq.

4) Inissarsititseqqittarfiup angerlarsimaffeqanngitsut ineqartinnissaanut atorneqarsinnaanera Naalackersuisunit ammaffigineqarpa, inissarsititseqqittarfik ininit anisitaasimasunut inissartitseqqittarfittut atorneqanngippat?

Akissut:

Inisseeqqittarfik siunertaminut atorneqarunnaassappat, inisseeqqittarfiup atorneqarnera Naalackersuisut naliliiffigeqqissavaat.

5) Naalackersuisut ammaffigisinnaanerpaa kattuffiit soorlu Kofoed Skole-tut imaluunniit Kirkens Korshær-itut ittunit ulluinnarni ingerlanneqarnerannut aqutsisunngortinneqarsinnaanera?

Akissut:

Apeqquut 3-p ataani oqaatigineqartut Kommuneqarfik Sermersooq Namminersorlutik Oqartussanit oqaloqatigineqarpoq. Inisseeqqittarfiup ingerlanneqarnera pillugu kommunimut isumaqatigiissut Naalackersuisunit ataqqineqassaaq, aammalu Naalackersuisut ulluinnarni ingerlatsinermut akisussaaffik kimut tunniunneqassanersoq inaarutaasumik aalajangiinnginnerminni oqaloqatigiinnerup inernissaa utaqqissavaat.

Neriuppunga matuma siuliani akissutikka atorlugit apeqquutit tamakkiisumik akisimassallugit.

Inussiarnersumik inuulluaqqusillunga

Knud Kristiansen